



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Martini Bonacinæ Vtrivsque Signatvræ Referendarii  
Compendium Omnim Operum de Theologia Morali,  
omnibusque conscientiæ nodis**

**Bonacina, Martino**

**Coloniæ Agrippinæ**

Baptismi solemnitates.

**urn:nbn:de:hbz:466:1-41152**

## Solemnitates Baptismi.

Solemnitates rectissimè ab Ecclesia institutæ, non sunt prætermittendæ, quamvis ad essentiam ejus non spectant, præcedunt baptismum Catechismus, Exorcismus, unctio olei sancti: post baptismum sinciput linitur christiane, datur vestis candida, &c. de quibus Tolet. & Bonac. loc. Baptismi effectus.

Adhibentur susceptores, ex Concil. Trid. sess. 24. c. 2. unus, vel una, vel ad summum, duo: unus, & una. Hi non debent esse monachi, nec religiosi, nec infideles, nec parentes baptizati. Horum onus est, filios susceptos fidei, & morum precepta docere. Hi contrahunt spiritualem cognitionem matrimonium dirimentem cum filio suscepto ejusque parentibus. In Catechismo contrahitur affinitas impediens; si suscipiat nondum baptizatus, cognitionem non contrahit.

Per procuratorem suscipi potest puer; mittens procuratorem, non autem procurator cognatus efficitur. Ad contrahendam cognitionem puer tangendus. Vir pro feminâ, feminâ pro viro suscipere potest. Vid Victor. ad hoc caput.

Quæres: Quot ceremoniæ antecedant baptismum. Resp.  
 1. Prima est, quod catechumeni, qui baptizari cupiunt, dent nomen suum, à quo tempore competentes dicuntur.  
 2. Est scrutinium, id est, examen an competentes sincere, ac constanter credant, quod olim laepius fiebat.  
 3. Est abrenuntiatio Sathanæ & operum ejus.  
 4. Professio fidei  
 5. Signum crucis in fronte, & pectore.  
 6. Exorcismus, & abjuratio demonum, ut à baptizando recedant.  
 7. Exsufflatio, quæ significatur demonum expulsio, & Spiritus sancti afflato.  
 8. Guttus salis benedicti, ut baptizandus sale sapientiae conditus, peccatorum factore careat.  
 9. Tactus aurium & narium baptizandi, cum digito & sputo, & dicitur Epheta, id est, adaperire, ad significandum adapertionem spiritualem sensuum.  
 10. Impositio manuum, & benedictio sacerdotalis.  
 11. Unctio cum oleobenedicto in scapulis & pectore.  
 12. Abstinentia vini & carnium, & rei uxoriæ, aliaque opera penitentiæ, quæ non ad satisfactionem, sed ut paratiōes accederent ad baptismum, imponebantur.

Quæres: Quot ceremoniæ comitantur baptismum. Resp.  
 5. Prima, impositio nominis: nam etiam in circumcisione nominis

nomina imponebantur parvulis, ut patet *Luc. 1. & 2. de S. Joanne, & Salvatore.* Quod autem nomina Apostolorum, & aliorum Sanctorum olim solita sint imponi, docet Euseb. *lib. 7. hist. cap. 20.* & id decretum est in *Concil. Nicæno, c. 30.* 2. Cerem. ut baptizandus habeat susceptores, quos Tertull. vocat sponsores, Justinus offerentes, August. fidejussores, Virginius Papa patrinos vocat, & habetur *c. in catech. d. 4.* Adhibentur autem 3. de causis. 1. est, ut Ecclesia de suscep-  
to sit securior, acceptis fidejussoribus. 2. ut expressius referatur generatio spiritualis, adhibitis spiritualibus parentibus. 3. ut nullus Christianorum sit, qui non habeat pædagogum:  
nam susceptor, ut ait August. de rectitudine Catholicæ con-  
versionis, baptizatos erudire tenetur ad minimum symbo-  
lum Apostolicum, & orationem Dominicam: ut habetur *c. vos autem de consecr. d. 4.* quod D. Thomas restringit, nisi parentes sint Christiani, & in instituendis filiis diligentess.  
3. Cerem. ut baptismus fiat in baptisterio consecrato, eoque lapideo, ut habetur *c. omnis presbyter de consecr. d. 4.* & in pu-  
blica Ecclesia, non autem in ædibus privatis; licet id conce-  
datur tantum Regum & Principum filiis, ut habetur in *clem. c. praesente prohibemus.* In privatis ergo oratoriis non conse-  
rendus baptismus, sine licentia Episcopi, ut habetur *ib. can. clericos de consecr. d. 1. 4.* Cerem. Consecratio aquæ baptisma-  
lis, addito oleounctionis mysticæ. 5. Sunt tempus Paschæ,  
Pentecostes, extra quæ non licebat baptizari, nisi in pericu-  
lo mortis, aut tempore profectionis, aut naufragii, de quibus multa in Patribus, sed tandem consuetudo illa ob multos, qui sine baptismo decedebant, abrogata est.

Quæres: Quot ceremoniæ sequantur baptismum? Resp. 8  
Osculum pacis, in signum, quod baptizatus sit frater noster.  
2 Unctio chrismati in vertice. 3. Cereus accensus in signum fidei, ac gratiæ acceptæ. 4. Vests candida, in signum innocentia, quam ferebant à Sabbato sancto, usque Dominicam in Albis, quæ & inde nomen obtinuit. 5. Delibutio lactis & mellis, seu vini, quæ modò non est in usu; erat autem signum novæ infantiae in Christo, teste Hieron. contr. Lucif. Fuit & alia ceremonia lavandi pedes Neophyti, sed in quibusdam Ecclesiis, Cujus meminit Ambros. *lib. 3. de Sacram. cap. 1.* Le-  
ge Bellarm. 2. *tom. controv.* & Steph. Durand & Georg. Sche-  
rer. *in dialog. de ritib. baptism.* qui accurate omnes has cere-  
monias defendit contra hæreticos.

D

Quæ-

Quæres: Qui homines esse possint patrini. Resp. 1. Infideles, & non baptizati non possunt, ut habetur de consecr. d. 4. c. in baptism. & si de facto levant, non contrahunt cognationem spiritualem, ut habent Sylv. v. baptismi. s. § 5. & Sot. loc. cit. art. ult. 2. Schismatici, heretici, & apostatae à fide non possunt esse patrini, tum quia tales non possunt esse boni patres spirituales, tum quia cum illis non possumus communicare cum sacramentis; si tamen de facto hujusmodi homines levant aliquem de fonte, verè contrahunt cognationem spiritualem, quia in jure non rejiciuntur, nisi non baptizati. 3. Abbates & monachi, sub quibus videntur comprehendendi omnes religiosi, ut habetur can. non licet. & c. non monachii de consecr. d. 4. & 16. q. 1. cap. placuit, si tamen levant contrahunt cognationem, ut dicitur ib. 4. Imperiti & rudes in casu, quo pueri egerent instructione, ut habet D. Thom. 3. qu. 67. a. 8. sed quia communiter non est talis necessitas, ob multitudinem instructorum, promiscuè admittuntur in patrinos. 5. Mater & pater pueri baptizandi; si autem levant, contrahunt cognationem, & peccant mortaliter. c. pervenit. 30. quest. 1. olim etiam talium matrimonia separabantur, sed in C. ad limina, Pontifex excepit eos, qui in necessitate baptizant, aut levant; & quia multæ mulieres levabant olim filios, ut separari possent hac ratione à viris: ideo quidam Pontifices statuerunt, ne amplius separarentur, ut habetur loc. cit. Imò de cognatione spirituali, c. 2. præcipitur, si alter conjugum scienter, aut ignoranter levet, ut nec quidem debitum conjugi neget.

Quæres, an qui virtute prædicti canonis levet suum filium de fonte, possit etiam petere debitum. Gloss. ibid. dicit, quod sic, quia non privatur facultate petendi; sed probabilius est, quod non, quia manet privatus facultate petendi, ut prius erat; & ratio est, quia per levationem è fonte, contrahitur cognatio, impediens omnem actum conjugalem. At in hoc Can. solus actus reddendi debitum permittitur: ergo, & ita docet S. Thom. in 4. d. 32. q. 1. a. 1. Ubitamen excipit unum casum, quando quis proprium filium levaret, ex ignorantia invincibili, nesciens esse suum filium, quia tunc, ut nullo modo peccat, nullam etiam pœnam incurrire videtur.

Quæres: An si alter conjugum levet proprium filium, altero non contradicente, imò consentiente, possit adhuc petere debitum. Resp. cum Panorm. in c. 2. de cogn. spir. neutrum posse petere,

Quæ-

Quæres: An uxor cum marito possint alterius filium levare de fonte. Resp. Id quidem non esse decens, non tamen prohiberi.

Quæres: In qua ætate debeant esse patrini. Panor. cap. debitum, de baptis. vult ea ætate debere esse patrinum, ut possit esse pater carnalis, id est, 18. annorum; verum hoc non est verum.

Bellum.

Vide v. Homicidium, Irregularitas contracta ob bellum.

1. Bellum est armorum conflictus, seu professio nocendi vi & armis contrariæ parti. Ut bellum offensivum licitum sit, tres conditiones requiruntur; auctoritas indicentis (hæc residet penes Principem, qui neminem in sua jurisdictione habet superiorem) seu convocantis alios in suum administrationem: recta intentio, & justa causa, ut pro tuaenda Republica contra adversarios illam injustè oppugnantes, vel quando subditi sunt rebelles, &c. Non potest autem indici ante diligentem inquisitionem illius justitiae & æquitatis. tom. 2. de restituzione in particulari, disp. 2. quest. ult. sect. 1. punct. ult. num. 1. & seq.

2. Quod attinet ad bellum defensivum, licitum est cuicunque, interveniente necessitate & recta intentione: nam licitum est cuique vim vi repellere propria auctoritate. Ib. n. 4.

3. Princeps posita justa causa non potest semper bellum indicere; sed prius petenda est ab adversario condigna satisfactione, qua oblata non licet indicere bellum: nam oblata sufficienti satisfactione cessat injuria præterita. Ib. n. 9.

4. Militibus qui sunt subditi Principi indicenti bellum, vel qui recipiunt stipendium à Principe, etiam pacis tempore, seu qui ante bellum locaverant Principi operas suas ad pugnandum satis est, si sciant causam belli non esse iniustum; in dubio enim obediendum est Superiori præcipienti, & in ejus favorem præsumendum est Ib. n. 10.

5. Quæres an bellum possit esse justum ex utraque parte? Respondeatur materialiter, & re ipsa non potest esse justum ex utraque parte: nam realiter jus competit unius soli; formaliter vero & per accidens potest esse justum ex utraque parte, ut propter invincibilem ignorantiam alterius partis,